

বাবার জন্য

মৌলি আজাদ

২০০৪ সালের ১২ই আগষ্ট,। আমাদের বাবা লেখক হুমায়ুন আজাদ আমাদের তিন ভাইবোনের প্রতি তার হৃদয় নিংড়ানো ভালবাসার কথা তিনটি পৃথক চিঠিতে লিখে সুদূর জার্মানীর এক নির্জন কক্ষে ঘুমাতে গিয়েছিল। জানি না ঘুমাতে যাবার আগে কি ভাবছিলেন তিনি। হয় তো আমাদের কথা বা তার পরবর্তীতে লেখা হবে এমন কোন বই এর কথা। না, তাকে আর কোন কিছুই ভাবতে হয়নি। ভাবতে হবেও না আর কোন দিন। কারণ সেই ঘুমানোই ছিল তার শেষ ঘুম। বাবা যে চির ঘুমের দেশে চলে গিয়েছেন তা জানতে পারলাম আমরা ১৩ই আগষ্টে। সকাল হতে না হতেই জার্মান এম্বেসির কর্মকর্তাদের নির্মীলিত চোখ দেখেই আমরা তিন ভাইবোন বুঝতে পারলাম হঠাৎ এক অজানা ঝড়ে বাবা হারিয়ে গেছেন। হারিয়ে গেছেন তিনি মহাকালের বুকে। আর আমরা হারালাম আমাদের সব চেয়ে বড় আশ্রয়। তার পর একে একে কেবল সময় বয়ে যাওয়া। কষ্ট আর সান্ত্বনাই হল আমারদের সম্বল। এর মধ্যেই চলছিল আমাদের ভিতরে ভিতরে লড়াই একটু দাঁড়াবার, নিজেদের জন্য বাবার জন্য। কারণ বাবার স্মৃতিকে কাজের মাধ্যমে বাঁচিয়ে রাখতে হবে যে। চিন্তা করলাম কিভাবে তাকে নতুন প্রজন্মের কাছে বাঁচিয়ে রাখা যায়। চট করেই মাথায় আসলো তাঁর কবিতার কথা। হ্যাঁ একমাত্র কবিতাই পারে তাকে বাঁচিয়ে রাখতে। কবিতা ছিল তাঁর প্রানে। সংগ্রাম প্রেম ভালবাসা আশা আঙ্ককা সব কিছুই তিনি কবিতার মাধ্যমে ফুটিয়ে তুলে ছিলেন। কিন্তু কি ভাবে কবিতা পারবে তাকে বাঁচাতে? হ্যাঁ পারবে। পারবেই। সিদ্ধান্ত নিলাম ২০১০ সাল থেকে কবিতার জন্য হুমায়ুন আজাদ পুরস্কার প্রদান করা হবে (সামনে ১২ই আগষ্ট ২০০৯ তা ঘোষণা করা হবে।) এই পুরস্কার বরাদ্দ থাকবে দেশে ও প্রবাসে বসবাসরত অসাধরন বাঙালী তরুণ কবিদের জন্য। হুমায়ুন আজাদ পুরস্কার শিরধার্য করবেন দেশের স্বনামধন্য কবি বিচারকেরা। এই পুরস্কার টি হবে এমন যেখানে পুরস্কার প্রাপ্ত লেখকের চেয়ে লেখকের বইটি বেশি পাদপ্রদীপের আলোয় আসবে। আমাদের চেষ্টা থাকবে পুরস্কার টি হবে একদম স্বচ্ছ, নির্ভেজাল ও দলাদলী মুক্ত। সমপূর্ণ আমার ব্যক্তি উদ্যোগে শুরু করা এই পুরস্কার টি হয়তো একদিন বুকার পুরস্কার এর মত পরিগণিত হবে, এই আশা রাখি। আসুন, দেশে বিদেশে অবস্থানরত তরুণ বাঙালী কবিদের বলছি, কবিতার জন্য হুমায়ুন আজাদ পুরস্কার ঘোষণার পর আপনারা আপনাদের মূল্যবান কবিতার বই গুলো পাঠিয়ে বিজ্ঞ বিচারকদের রায়ে এই পুরস্কারে ভূষিত হন। এভাবেই গড়ে উঠুক একপ্রথা বিরোধী কবি হুমায়ুন আজাদ থেকে লক্ষ প্রথা বিরোধী কবি হুমায়ুন আজাদ। আপনাদের সবার সহযোগিতায় আমাদের কাম্য।

ধন্যবাদ

E-mail: mauli_reza@yahoo.com